

Modificados Xeneticamente serán postas ó dispor das comunidades autónomas para que formulen as súas observacións.

Disposición derradeira terceira. *Actualización de taxas e sancións.*

O Goberno, mediante real decreto, poderá actualiza-la contía das taxas e das sancións establecidas nesta lei, atendendo á variación que experimente o índice de prezos de consumo.

Disposición derradeira cuarta. *Informes de situación.*

Cada tres anos elaborárase un informe, que se fará público, sobre a situación en España en materia de organismos modificados xeneticamente, nos termos que regulamentariamente se determinen.

Disposición derradeira quinta. *Habilitación de desenvolvemento.*

Facúltase o Goberno para dictar, no ámbito das súas competencias, as disposicións necesarias para o desenvolvemento e execución desta lei e para modificar os seus preceptos cando as ditas modificacións se deriven dun cambio da normativa comunitaria e afecten as técnicas ou os métodos excluídos do ámbito de aplicación da lei, tanto as xerais como as de cada actividade; as definicións; a clasificación do risco das actividades de utilización confinada, e os requisitos para poder realiza-las actividades reguladas nesta lei.

Por tanto, Mando a tódolos españoles, particulares e autoridades, que cumpran e fagan cumprir esta lei.

Madrid, 25 de abril de 2003.

JUAN CARLOS R.

O presidente do Goberno,
JOSÉ MARÍA AZNAR LÓPEZ

8589 REAL DECRETO LEI 2/2003, do 25 de abril, de medidas de reforma económica. («BOE» 100, do 26-4-2003.)

O obxectivo fundamental da política económica española é seguir progresando na converxencia real cos países máis avanzados da Unión Europea. A estratexia para alcanzar este obxectivo esixe, ademais do mantemento da estabilidade macroeconómica, o incremento da capacidade de crecemento a longo prazo da economía.

No contexto determinado pola integración de España na Unión Económica e Monetaria, que ofrece un marco favorable para a estabilidade macroeconómica, a política de reforma estrutural dos mercados de produtos e factores adquire un especial protagonismo. A liberalización e o incremento da competencia nestes mercados, tralas reformas emprendidas nos últimos anos, permitiron manter un diferencial de crecemento positivo coas economías máis avanzadas da Unión Europea que se reflectiu en progresos na converxencia cos niveis de renda e de emprego destes países.

Este crecemento diferencial produciuse tanto na fase expansiva do ciclo como na máis recente fase de desaceleración. Nun contexto internacional de débil crecemento, a economía española foi capaz de manter taxas

de crecemento e de creación de emprego relativamente elevadas. Rómpeuse así coa tendencia estrutural seguida en ciclos anteriores, nos que a economía española crecía por encima da media europea nos períodos de expansión pero sufría de forma diferencial as desaceleracións ou as recesións.

A economía española está cada vez máis aberta ó exterior e integrada nos mercados europeos e internacionais. Polo tanto, está tamén máis exposta ós riscos e ás incertezas que condicionan a evolución da economía internacional e que, nos últimos meses, foron particularmente intensos.

No momento actual, en que algunhas destas incertezas se empezaron a despexar, é preciso adoptar medidas extraordinarias e urxentes de continuación co proceso de reforma estrutural que permitan que a economía española continúe co proceso de converxencia coas economías máis avanzadas e eviten decididamente que se poida ver exposta ó risco de abandonar a súa senda de crecemento diferencial. Trátase de afondar na liña mantida nos últimos anos pola política económica, orientada á reforma e liberalización dos mercados de produtos e factores, que tiveron efectos positivos perceptibles en termos do nivel de renda e de emprego, actuando sobre aquelas barreiras que dificultan o proceso de crecemento.

As reformas deben prestar especial atención, en primeiro lugar, á creación de condicións idóneas para o desenvolvemento do espírito emprendedor e a pequena e mediana empresa, elementos dinamizadores da actividade económica.

En segundo lugar, resulta necesario impulsar o mercado de arrendamento de vivenda, para lle dar resposta á premente demanda social de contar cun parque asequible de vivendas en aluguer, para facilitar así a mobilidade xeográfica dos traballadores e o acceso á vivenda de mozos e inmigrantes.

En terceiro lugar, en liña coas conclusións dos Consellos Europeos de Gotemburgo e de Barcelona, é necesario adoptar medidas para garantir e impulsar o desenvolvemento económico. Isto esixe prestar especial atención á participación de tódolos colectivos sociais e, en particular, dos máis vulnerables, como os traballadores por conta propia e as mulleres, nos beneficios da liberalización e o crecemento, facilitando a súa incorporación ó mercado de traballo, así como potencia-la integración dos obxectivos ambientais no deseño e na execución da política económica.

Por último, é necesario continuar coa adopción de medidas de reforma para aumenta-la eficiencia dos mercados de produtos e factores, así como potencia-lo investimento productivo e mellora-lo funcionamento do mercado hipotecario.

No título I do texto atópanse as medidas dirixidas a impulsar a actividade e creación de pequenas e medianas empresas.

Para isto, no imposto sobre a renda das persoas físicas créase a figura da «conta aforro-empresa», que se configura como unha conta de aforro de características moi similares á actual conta aforro-vivenda.

Este incentivo fiscal nace para facilita-la creación de empresas mediante o fomento do espírito emprendedor, seguindo así as recomendacións efectuadas pola Comisión Europea no Libro Verde de «O espírito empresarial en Europa» co fin de contribuír a estimula-lo aforrador español, de modo que este reoriente o seu esforzo investidor cara á creación e desenvolvemento de novos negocios mediante incentivos fiscais que potencien este tipo de aforro.

En segundo lugar, auméntase o número de empresas que poderá acceder ás vantaxes fiscais das entidades de reducida dimensión, ó fixa-lo límite de entrada nunha cifra neta de negocios inferior ós 6 millóns de euros,

cando ata a data o limiar se establecía en 5 millóns de euros.

O título II do real decreto lei agrupa as medidas de política de vivenda establecidas para potencia-lo mercado de arrendamento de vivendas en España.

Articúlase no imposto sobre sociedades un réxime especial para as entidades que teñan como obxecto social exclusivo o aluguer de vivendas. Quérese así estimula-lo mercado inmobiliario de vivendas en aluguer e dar resposta á necesidade social de contar cun parque de vivendas en aluguer, hoxe moi limitado.

O réxime especial beneficiará os que ofrezan en aluguer vivendas que, polas súas dimensións e prezos de aluguer, vaian destinadas ós sectores de poder adquisitivo medio ou baixo, e concrétese nunha bonificación da cota impositiva que resulte da aplicación do réxime xeral. Desta bonificación beneficiaranse os rendementos obtidos na actividade de arrendamento de vivendas e as ganancias derivadas do seu alleamento, baixo determinadas condicións. A bonificación increméntase no suposto de vivendas alugadas que cumpren un maior papel social nos termos definidos pola norma, suposto que se complementa coa tributación da adquisición destas vivendas ó tipo super-reducido do imposto sobre o valor engadido.

O título III introduce un conxunto de medidas de mellora da acción protectora da Seguridade Social dos traballadores por conta propia ou autónomos e de fomento da súa actividade.

Os números 3 e 4 do artigo 10 do texto refundido da Lei xeral da Seguridade Social, aprobado polo Real decreto lexislativo 1/1994, do 20 de xuño, establecen como principio xeral a tendencia á máxima homoxeneidade dos réximes especiais con respecto ó réxime xeral, en función do que permitan as disponibilidades financeiras do sistema e as características dos distintos grupos afectados por estes réximes.

Neste sentido, en primeiro termo prevese, á opción do interesado, unha minoración temporal na cotización para os que se incorporan por vez primeira ó réxime especial de traballadores autónomos, no caso de menores de trinta anos de idade e de mulleres maiores de corenta e cinco.

Adicionalmente, a exoneración de cotas prevista na actualidade para traballadores maiores de sesenta e cinco anos que continúen no exercicio da súa actividade, incluídos no réxime especial de traballadores autónomos, faise extensiva ós traballadores por conta propia incluídos nos réximes especiais agrario e dos traballadores do mar.

Por outra parte, e co fin de dar efectividade á extensión da acción protectora dos traballadores incluídos no réxime especial de autónomos establecida na disposición adicional trixésimo cuarta da Lei xeral da Seguridade Social, con respecto ás contingencias derivadas de accidentes de traballo e enfermidades profesionais, faise preciso introduci-los pertinentes acomodados na tarifa de primas vixente na actualidade.

A continuación, opérase unha ampliación dos efectos económicos do subsidio por incapacidade temporal para a totalidade dos traballadores por conta propia ou autónomos, dando cobertura ó período comprendido entre o cuarto e o décimo quinto día a partir da baixa, establecendo as correspondentes cotizacións adicionais. No caso de contingencias profesionais, a prestación nacerá a partir do día seguinte ó da baixa.

En materia de cotización, procédese a iguala-las bases e tipos de cotización dos traballadores por conta propia do réxime especial agrario cos do réxime especial dos traballadores autónomos, ben que, para mitigar no posible o impacto económico que podería orixina-la aplica-

ción íntegra desta medida con carácter inmediato, establécese un período transitorio durante o cal se aplicarán minoracións progresivamente decrecentes no tipo de cotización.

En canto ós traballadores por conta propia do réxime especial agrario, efectúase unha reformulación do requisito de medio fundamental de vida pola realización de labores agrarios, delimitándoo de modo que a concorrencia ou non de tal requisito non quede condicionada á magnitude dos ingresos percibidos en cada caso, medida que facilitará a incorporación da muller que realiza labores agrarios ó citado réxime especial.

No atinente ó cálculo das pensións, modifícase o réxime xurídico aplicable ás situacións nas que un traballador estea incluído, de forma simultánea, en dous réximes da Seguridade Social.

Finalmente, establécense bonificacións do 100 por cento nas cotas empresariais por contingencias comúns respecto á cotización de traballadoras que se reincorporen ó seu traballo trala maternidade e ampliáanse as bonificacións existentes na actualidade pola contratación temporal de mulleres minusválidas. Así mesmo, ampliáanse as posibilidades de capitalización da prestación por desemprego en caso de incorporación a cooperativas ou sociedades laborais.

Tal como veu sucedendo desde hai tempo no ámbito sociolaboral, tamén nesta ocasión cómpre recorrer á fórmula do real decreto lei, en razón da urxencia que se aprecia para a posta en práctica de ampliacións e melloras da acción protectora, algunhas das cales están previstas en normas que xa entraron en vigor o 1 de xaneiro de 2003, así como para facer posible que outras medidas beneficiosas para os traballadores por conta propia e para as traballadoras nos supostos de maternidade e, así mesmo, incentivadoras da actividade profesional e do emprego destes, teñan tamén unha pronta efectividade.

O título IV, pola súa parte, recolle unha serie de medidas de carácter tributario e de reforma estrutural orientadas ó fomento do investimento en determinadas áreas e á mellora da eficiencia productiva.

En primeiro lugar, para incrementa-las disponibilidades de capital das empresas, ofrécese a posibilidade de aumenta-lo ritmo de amortización, elevando nun 10 por cento os coeficientes máximos de amortización fixados nas táboas autorizadas para os contribuíntes do imposto sobre a renda das persoas físicas e do imposto sobre sociedades. A medida introdúcese con carácter temporal, como corresponde á finalidade estimuladora que persegue, e sen prexuízo dunha futura revisión das táboas oficiais de amortización.

En segundo lugar, avánzase na liña xa emprendida de estimular fiscalmente a quen participa de maneira activa na mellora do ambiente. Así, a deducción por investimentos en adquisición de bens novos destinados ó aproveitamento de enerxías renovables pasa a ser aplicable por calquera entidade, eliminando a actual limitación a prol das entidades de reducida dimensión. Esta novidade aprovéitase para reorganiza-las deduccións por investimentos en defensa ou protección do ambiente no imposto sobre sociedades, que se agrupan nun novo artigo da lei deste tributo.

En terceiro lugar, e na mesma liña de potenciación do uso das enerxías renovables, habilítanse os concellos, no marco da normativa reguladora das facendas locais, para estableceren unha bonificación na cota do imposto sobre bens inmobles polas instalacións de sistemas para o aproveitamento térmico ou eléctrico da enerxía proveniente do sol para consumo dos titulares da vivenda ou dos seus ocupantes.

Para seguir promovendo o desenvolvemento da sociedade da información, esténdese o ámbito obxectivo da

deducción por actividades de investigación, desenvolvemento e innovación tecnolóxica, de xeito que tamén se poderá aplicar ás actividades de xeración de software avanzado que faciliten o acceso de persoas discapacitadas ós servizos da sociedade da información, o que mellorará a integración social e laboral destas persoas e contribuirá a reactiva-la demanda deste tipo de produtos.

Co obxecto de seguir perfeccionando o modelo español de defensa da competencia en materia de control de concentracións, resulta oportuno establece-la publicidade inmediata do informe-dictame do Tribunal de Defensa da Competencia desde o momento da súa recepción polo ministro de Economía para a súa elevación ó Goberno. Con iso, o dictame do principal órgano consultivo en materia de control de concentracións será coñecido antes da decisión final por parte do Consello de Ministros, mellorando a transparencia, eficacia e predictibilidade deste instrumento tan importante na vixilancia da competencia.

Outro dos ámbitos que requiren de urxente actuación constitúe o mercado hipotecario, que gracias ó seu intenso desenvolvemento facilitou o acceso de moitas familias a unha vivenda en propiedade. Non obstante, resulta conveniente adoptar medidas para promove-la competencia e tempera-la exposición dos prestameiros ós riscos de tipos de xuro, propios do mercado financeiro. Para iso, avánzase na facilitación e abaratamento das operacións de novación e subrogación hipotecaria e promóvese o desenvolvemento e difusión de novos produtos de aseguramento dos riscos de tipos de xuro.

Na adopción destas medidas concorre, pola súa natureza e finalidade, a circunstancia de extraordinaria e urxente necesidade que esixe o artigo 86 da Constitución para a utilización do real decreto lei, requisito imprescindible, como recordou, por outra parte, a xurisprudencia constitucional.

Na súa virtude, por proposta do vicepresidente segundo do Goberno para Asuntos Económicos e ministro de Economía e dos ministros de Facenda, de Traballo e Asuntos Sociais, de Interior, de Fomento, de Ciencia e Tecnoloxía e de Xustiza, en uso da autorización contida no artigo 86 da Constitución e logo de deliberación do Consello de Ministros na súa reunión do día 25 de abril de 2003,

DISPONGO:

TÍTULO I

Medidas de apoio ás pequenas e medianas empresas

Artigo primeiro. *Conta aforro-empresa.*

Introdúcense as seguintes modificacións na Lei 40/1998, do 9 de decembro, do imposto sobre a renda das persoas físicas e outras normas tributarias:

Un. Modifícase o número 1 do artigo 54, que queda redactado da seguinte maneira:

«1. A cota líquida estatal do imposto será o resultado de diminuí-la cota íntegra estatal na suma de:

a) A deducción por investimento en vivenda habitual prevista no artigo 55.1 desta lei.»

b) O 67 por cento do importe total das deduccións previstas nos números 2, 3, 4, 5 e 6 do artigo 55 desta lei.»

Dous. Engádeselle un número 6 ó artigo 55, que queda redactado da seguinte maneira:

«6. Deducción por conta aforro-empresa.

Os contribuíntes poderán aplicar unha deducción polas cantidades que se depositen en entidades de crédito, en contas separadas de calquera outro tipo de imposición, destinadas á constitución dunha sociedade Nova Empresa regulada no capítulo XII da Lei 2/1995, do 23 de marzo, de sociedades de responsabilidade limitada, consonte os seguintes requisitos e circunstancias:

1.º O saldo da conta aforro-empresa deberá destinarse á subscripción como socio fundador das participacións da sociedade Nova Empresa.

Pola súa parte, a sociedade Nova Empresa, no prazo máximo dun ano desde a súa válida constitución, deberá destina-los fondos achegados polos socios que se acollisen á deducción a:

— A adquisición de inmovilizado material e inmaterial exclusivamente afecto á actividade, nos termos previstos no artigo 27 desta lei.

— Gastos de constitución e de primeiro establecemento.

— Gastos de persoal empregado con contrato laboral.

En todo caso, a sociedade Nova Empresa deberá contar, antes da finalización do prazo indicado con, polo menos, un local exclusivamente destinado a leva-la xestión da súa actividade e unha persoa empregada con contrato laboral e a xornada completa.

Entenderase que non se cumpriu o previsto neste número cando a sociedade Nova Empresa desenvolva as actividades que se exerceran anteriormente baixo outra titularidade.

2.º A base máxima desta deducción será de 9.000 euros anuais e estará constituída polas cantidades depositadas en cada período impositivo ata a data da subscripción das participacións da sociedade Nova Empresa.

3.º A porcentaxe de deducción aplicable sobre a base de deducción a que se refire o número 2.º anterior será do 15 por cento.

4.º A sociedade Nova Empresa deberá manter durante polo menos os dous anos seguintes ó inicio da actividade:

a) A actividade económica en que consista o seu obxecto social, non podendo reunir nese prazo os requisitos para te-la consideración de sociedade patrimonial.

b) Polo menos, un local exclusivamente destinado a leva-la xestión da súa actividade e unha persoa empregada con contrato laboral e a xornada completa.

c) Os activos nos que se materializase o saldo da conta aforro-empresa, que deberán permanecer en funcionamento no patrimonio afecto da Nova Empresa.

5.º Perderase o dereito á deducción:

a) Cando o contribuínte dispoña de cantidades depositadas na conta aforro-empresa para fins diferentes da constitución da súa primeira sociedade Nova Empresa. En caso de disposición parcial entenderase que as cantidades dispostas son as primeiras depositadas.

b) Cando transcorran catro anos, a partir da data en que fue aberta a conta, sen que se inscribise no Rexistro Mercantil a sociedade Nova Empresa.

c) Cando se transmitan inter vivos as participacións dentro do prazo previsto no número 4.º anterior.

d) Cando a sociedade Nova Empresa non cumpra as condicións que determinan o dereito a esta deducción.

Cando, en períodos impositivos posteriores ó da súa aplicación, se perda o dereito, en todo ou en parte, ás deduccións practicadas, o contribuínte estará obrigado a sumar á cota líquida estatal e á cota líquida autonómica ou complementaria devengadas no exercicio en que se incumprisen os requisitos as cantidades indebidamente deducidas, máis os xuros de demora a que se refire o artigo 58.2.c) da Lei 230/1963, do 28 de decembro, xeral tributaria.

6.º Cada contribuínte só poderá manter unha conta aforro-empresa e unicamente tendrá dereito á deducción pola primeira sociedade Nova Empresa que constituía.

7.º As contas aforro-empresa deberán identificarse nos mesmos termos cós establecidos para o caso das contas vivenda.»

Tres. Modifícase o número 1 do artigo 57, que queda redactado da seguinte maneira:

«1. A aplicación da deducción por investimento en vivenda e da deducción por conta aforro-empresa requirirá que o importe comprobado do patrimonio do contribuínte ó finaliza-lo período da imposición exceda do valor que ofrecese a súa comprobación ó seu comezo polo menos na contía dos investimentos realizados, sen computalos xuros e demais gastos de financiamento.»

Catro. Modifícase o número 1 do artigo 64, que queda redactado da seguinte maneira:

«1. A cota líquida autonómica ou complementaria será o resultado de diminuí-la cota íntegra autonómica ou complementaria na suma de:

a) O tramo autonómico da deducción por investimento en vivenda habitual prevista no artigo 64 bis desta lei, cos límites e requisitos de situación patrimonial establecidos no seu artigo 57.

b) O 33 por 100 do importe total das deduccións previstas nos números 2, 3, 4, 5 e 6 do artigo 55 desta lei, cos límites e requisitos de situación patrimonial previstos nos seus artigos 56 e 57.

c) O importe das deduccións establecidas pola Comunidade Autónoma no exercicio das competencias previstas na Lei 21/2001, do 27 de decembro, pola que se regulan as medidas fiscais e administrativas do novo sistema de financiamento das comunidades autónomas de réxime común e cidades con estatuto de autonomía.»

Cinco. Modifícase o número 4 do artigo 79, que queda redactado da seguinte maneira:

«4. Estarán obrigados a declarar en todo caso os contribuíntes que teñan dereito a deducción por investimento en vivenda, por conta aforro-empresa, por dobre imposición internacional ou que realicen contribucións a plans de pensións, plans de previsión asegurados ou mutualidades de previsión social que reduzan a base imponible, nas condicións que se establezan regulamentariamente.»

Artigo segundo. *Empresas de reducida dimensión.*

Con efectos para os períodos impositivos que se inicien a partir da entrada en vigor deste real decreto lei, modifícase o número 1 do artigo 122 da Lei 43/1995, do 27 de decembro, do imposto sobre sociedades, que queda redactado da seguinte maneira:

«1. Os incentivos fiscais establecidos neste capítulo aplicaranse sempre que o importe neto da cifra de negocios habida no período impositivo inmediato anterior sexa inferior a 6 millóns de euros.»

TÍTULO II

Fomento do arrendamento de vivendas

Artigo terceiro. *Réxime fiscal de entidades dedicadas ó arrendamento de vivendas.*

Un. Con efectos para os períodos impositivos que se inicien a partir da entrada en vigor deste real decreto lei, engádesse un capítulo III no título VIII da Lei 43/1995, do 27 de decembro, do imposto sobre sociedades, que queda redactado da seguinte maneira:

«CAPÍTULO III

Entidades dedicadas ó arrendamento de vivendas

Artigo 68 quáter. *Ámbito de aplicación.*

1. Poderanse acoller ó réxime previsto neste capítulo as sociedades que teñan por obxecto social exclusivo o arrendamento de vivendas situadas en territorio español. Esta exclusividade será compatible co investimento en locais de negocio e prazas de garaxe para o seu arrendamento, sempre que o seu valor contable conxunto non exceda o 20 por 100 do valor contable total dos investimentos en vivenda da entidade.

Para estes efectos, unicamente se entenderá por arrendamento de vivenda o definido no artigo 2 da Lei 29/1994, do 24 de novembro, de arrendamentos urbanos, sempre que se cumpran os requisitos e condicións establecidos nesta lei para os contratos de arrendamento de vivendas.

2. A aplicación do réxime fiscal especial regulado neste capítulo requirirá o cumprimento dos seguintes requisitos:

a) Que o número de vivendas arrendadas ou ofrecidas en arrendamento pola entidade sexa en todo momento igual ou superior a dez. O valor contable do conxunto das vivendas adquiridas pola entidade en fase de construción, incluídas as compradas sobre plano, non poderá exceder-lo 20 por 100 do valor contable total das vivendas da entidade.

b) Que polo menos un tercio das vivendas arrendadas incorporen no contrato de arrendamento unha opción de compra da vivenda a favor do arrendatario. O recoñecemento da opción non deberá supor para o arrendatario o aboamento de ningunha contraprestación e deberá especificalo prezo de exercicio da propia opción, exercicio que será sempre facultativo. En ningún caso poderá estipularse que a falta de exercicio do dereito de opción determine para o arrendatario a obriga de aboar ningunha indemnización ó arrendador.

c) No caso de que as vivendas arrendadas ou ofrecidas en arrendamento pola entidade non

estean cualificadas como de protección oficial ou declaradas protexidas deberán cumprirse, ademais, os seguintes requisitos:

Primeiro.—Que as vivendas as adquiera a entidade a valor de mercado e que non teñan no momento da súa compra unha antigüidade superior a 3 anos.

Segundo.—Que a superficie construída de cada vivenda non exceda 110 metros cadrados. O arrendamento poderá incluír un máximo de dúas prazas de garaxe e os anexos situados no mesmo edificio, excluídos os locais de negocio, sempre que uns e outros se arrenden conxuntamente coa vivenda.

Terceiro.—Que durante os cinco primeiros anos de vixencia do contrato de arrendamento, a actualización anual da renda regulada no número 1 do artigo 18 da Lei 29/1994 se realice aplicando, como máximo, a variación porcentual experimentada polo índice xeral nacional do sistema de índices de prezos de consumo nun período de doce meses inmediatamente anteriores á data de cada actualización reducida en 0,75 puntos porcentuais.

Cuarto.—Que o dereito de opción recoñecido ó arrendatario de conformidade co previsto na letra b) anterior sexa exercible no prazo máximo de dous anos contados a partir dos cinco posteriores ó inicio do arrendamento.

d) No caso de que as vivendas arrendadas ou ofrecidas en arrendamento pola entidade estean cualificadas como de protección oficial ou declaradas protexidas, que o dereito de opción recoñecido ó arrendatario de conformidade co previsto na letra b) anterior sexa exercible no prazo máximo de seis meses contados a partir do prazo establecido pola normativa aplicable para lles poder ofrecer en venda as vivendas ós arrendatarios.

3. A opción por este réxime deberáse comunicar á Administración tributaria. O réxime fiscal especial aplicarase no período impositivo que finalice con posterioridade a esta comunicación e nos sucesivos que conclúan antes de que se lle comunique á Administración tributaria a renuncia ó réxime.

Reglamentariamente poderanse establecer os requisitos da comunicación e o contido da información que se vaia subministrar con ela.

4. Cando á entidade lle resulte de aplicación calquera dos restantes réximes especiais recollidos neste título VIII, excepto o de transparencia fiscal internacional, non poderá optar polo réxime regulado neste capítulo III, sen prexuízo do establecido no parágrafo seguinte.

As entidades ás que, de acordo co establecido no artigo 122 desta lei, lles sexan de aplicación os incentivos fiscais para as empresas de reducida dimensión previstos no capítulo XII deste título VIII, poderán optar entre aplicar estes incentivos ou aplicar o réxime regulado neste capítulo III.

5. A aplicación do réxime regulado neste capítulo III será incompatible coa deducción por reinvestimento de beneficios extraordinarios prevista no artigo 36 ter desta lei.

Artigo 68 quinquies. *Bonificacións.*

1. As entidades que cumpran os requisitos previstos no artigo anterior poderán aplicar as seguintes bonificacións na cota íntegra:

a) O 85 por cento da parte da cota íntegra que corresponda ás rendas derivadas do arrendamento ou da transmisión de vivendas que cumpran os requisitos do artigo anterior.

Nos casos de transmisión das vivendas deberase cumprir, ademais, o seguinte:

— Que fosen arrendadas pola entidade durante polo menos cinco anos no caso das vivendas a que se refire a letra c) do número 2 do artigo anterior e, polo menos o prazo establecido na normativa aplicable para lles poder ofrecer en venda as vivendas ós arrendatarios, no caso das vivendas a que se refire a letra d) do número 2 do artigo anterior.

— Que o importe obtido se reinvesta no prazo dun ano desde a transmisión noutras vivendas que cumpran os requisitos establecidos no artigo anterior.

b) O 97 por cento da parte da cota íntegra que corresponda ás rendas derivadas do arrendamento ou da transmisión de vivendas cando, ademais dos requisitos do artigo anterior, se cumpran os seguintes:

Primeiro.—No caso de que as vivendas arrendadas ou ofrecidas en arrendamento pola entidade non estean cualificadas como de protección oficial ou declaradas protexidas:

— Que a renda anual inicial que deba satisfacerlo arrendatario non exceda o resultado de lle aplicar un 4 por cento ó prezo legal máximo de venda das vivendas protexidas en arrendamento, calculado segundo estableza a normativa en cada momento vixente dos plans estatais de vivenda.

— Que o contrato de arrendamento incorpore a opción de compra prevista na letra b) do número 2 do artigo anterior, exercible no prazo máximo de dous anos contados a partir dos cinco posteriores ó inicio do arrendamento.

Segundo.—No caso de que as vivendas arrendadas ou ofrecidas en arrendamento pola entidade estean cualificadas como de protección oficial ou declaradas protexidas, que o contrato de arrendamento incorpore unha opción de compra de acordo co previsto na letra d) do número 2 do artigo anterior.

Nos casos de transmisión das vivendas deberá cumprirse, ademais, o seguinte:

— Que fosen arrendadas pola entidade durante polo menos cinco anos no caso das vivendas a que se refire o número primeiro anterior e, polo menos no prazo establecido na normativa aplicable para lles poder ofrecer en venda as vivendas ós arrendatarios, no caso das vivendas a que se refire o número segundo anterior.

— Que o importe obtido se reinvesta no prazo dun ano desde a transmisión noutras vivendas que cumpran os requisitos establecidos no artigo anterior.

2. A renda que se bonificará derivada do arrendamento estará integrada para cada vivenda polo ingreso íntegro obtido, minorado nos gastos directamente relacionados coa obtención deste ingreso e na parte dos gastos xerais que correspondan proporcionalmente ó citado ingreso.

3. As bonificacións previstas no número 1 deste artigo serán incompatibles entre si para as mesmas rendas e practicarase unha vez aplicadas, de se-lo caso, as restantes bonificacións reguladas na normativa deste imposto.

4. Os socios das entidades que opten polo réxime regulado neste capítulo non lles serán de aplicación as deduccions para evita-la dobre imposición reguladas no artigo 28 desta lei para os casos

de distribución de beneficios e transmisión das participacións.»

Dous. Modifícase a letra b) do número 1 do artigo 23 da Lei 40/1998, do 9 de decembro, do imposto sobre a renda das persoas físicas e outras normas tributarias, que queda redactado da seguinte maneira:

«b) Os rendementos íntegros a que se refire a letra anterior, en canto procedan de entidades residentes en territorio español, multiplicaranse polas seguintes porcentaxes:

- 140 por 100 con carácter xeral.
- 125 por 100, cando procedan das entidades a que se refire o artigo 26.2 da Lei 43/1995, do 27 de decembro, do imposto sobre sociedades.
- 100 por 100, cando procedan das entidades a que se refire o artigo 26.5 e 6 e as acollidas ó réxime especial regulado no capítulo III do título VIII, da Lei 43/1995, do 27 de decembro, do imposto sobre sociedades, e de cooperativas protexidas e especialmente protexidas, reguladas pola Lei 20/1990, do 19 de decembro, sobre réxime fiscal das cooperativas, da distribución da prima de emisión e das operacións descritas nos puntos 3.º e 4.º da letra a) anterior. Aplicaráselles, en todo caso, esta porcentaxe ós rendementos que correspondan a valores ou participacións adquiridas dentro dos dous meses anteriores á data en que aqueles se satisfixesen cando, con posterioridade a esta data, dentro do mesmo prazo, se produza unha transmisión de valores homoxéneos. En caso de entidades en transparencia fiscal, aplicarase esta mesma porcentaxe polos contribuíntes cando as operacións anteriormente descritas as realice a entidade transparente.

No caso de valores ou participacións non admitidas a negociación nalgún dos mercados secundarios de valores españois, o prazo previsto no parágrafo anterior será dun ano.

Aplicaráselles, en todo caso, a porcentaxe do 100 por cento ós rendementos que correspondan a beneficios que tributasen ós tipos previstos no número 8 do artigo 26 da Lei 43/1995, do 27 de decembro, do imposto sobre sociedades. Para estes efectos, considerarase que os rendementos percibidos proceden en primeiro lugar destes beneficios.»

Artigo cuarto. *Tipo do imposto sobre o valor engadido aplicable ás adquisicións das vivendas destinadas a arrendamento.*

Modifícase o número 6.º do punto dous.1 do artigo 91 da Lei 37/1992, do 28 de decembro, do imposto sobre o valor engadido, que queda redactado da seguinte maneira:

«6.º As vivendas cualificadas administrativa-mente como de protección oficial de réxime especial ou de promoción pública, cando as entregas as efectúen os seus promotores, incluídos os garaxes e anexos situados no mesmo edificio que se transmitan conxuntamente. Para estes efectos, o número de prazas de garaxe non poderá exceder dúas unidades.

As vivendas que sexan adquiridas polas entidades que apliquen o réxime especial previsto no capítulo III do título VIII da Lei 43/1995, do 27 de decembro, do imposto sobre sociedades, sempre

que ás rendas derivadas do seu posterior arrendamento lles sexa aplicable a bonificación establecida na letra b) do número 1 do artigo 68 quinquies da citada lei. Para estes efectos, a entidade adquirente comunicaralle esta circunstancia ó suxeito pasivo con anterioridade ó devengo da operación na forma que se determine regulamentariamente.»

TÍTULO III

Mellora da acción protectora da Seguridade Social dos traballadores por conta propia ou autónomos e de fomento da súa actividade

Artigo quinto. *Reducción na base de cotización para os mozos e mulleres de nova incorporación no réxime especial de traballadores autónomos.*

Agrégase unha nova disposición adicional, a trixésimo quinta, ó texto refundido da Lei xeral da Seguridade Social, aprobado polo Real decreto legislativo 1/1994, do 20 de xuño, nos termos seguintes:

«Disposición adicional trixésimo quinta. *Reducción na base de cotización dos novos traballadores incluídos no réxime especial da Seguridade Social dos traballadores por conta propia ou autónomos.*

No suposto de que no momento da alta inicial no réxime especial da Seguridade Social dos traballadores por conta propia ou autónomos os traballadores teñan trinta ou menos anos de idade, a base de cotización será a elixida por eles entre o 75 por cento da base mínima e ata a contía da base máxima, fixadas na Lei de orzamentos xerais do Estado en cada exercicio e durante os tres anos inmediatamente seguintes á data de efectos desta alta.

O previsto no parágrafo anterior será igualmente de aplicación ás mulleres que no momento da alta inicial no citado réxime especial teñan 45 ou máis anos.

Nos supostos previstos anteriormente, e para efectos do cálculo da base reguladora das correspondentes prestacións, tomaranse en conta as bases sobre as que efectivamente se cotizase.»

Artigo sexto. *Exoneración de cotas da Seguridade Social respecto dos traballadores por conta propia con sesenta e cinco ou máis anos.*

A disposición adicional trixésimo segunda do texto refundido da Lei xeral da Seguridade Social, aprobado polo Real decreto legislativo 1/1994, do 20 de xuño, queda redactada nos termos seguintes:

«Disposición adicional trixésimo segunda. *Exoneración de cotas respecto dos traballadores por conta propia con sesenta e cinco ou máis anos.*

1. Os traballadores por conta propia incluídos no campo de aplicación dos réximes especiais agrario, dos traballadores do mar e de traballadores por conta propia ou autónomos quedarán exentos de cotizar á Seguridade Social salvo, de se-lo caso, por incapacidade temporal e por continxencias profesionais, no suposto de teren cumpridos sesenta e cinco ou máis anos de idade e acreditaren trinta e cinco ou máis anos de cotización efectiva á Seguridade Social, sen que se computen para estes efectos as partes proporcionais de pagas extraordinarias. Se ó cumprir sesenta e cinco anos de idade o traballador non reunise o requisito esixido, a cita-

da exención será aplicable a partir da data en que este se acredite.

2. Polos períodos de actividade nos que o traballador non efectuase cotizacións, nos termos previstos no punto anterior, para efectos de determina-la base reguladora das prestacións excluídas de cotización, as bases de cotización correspondentes ás mensualidades de cada exercicio económico exentas de cotización serán equivalentes ó resultado de incrementa-la media das bases de cotización do ano natural inmediatamente anterior na porcentaxe de variación media coñecida do IPC no último ano indicado, sen que as bases así calculadas poidan ser inferiores ás contías das bases mínimas ou únicas de cotización fixadas anualmente na Lei de orzamentos xerais do Estado para os traballadores por conta propia incluídos nos réximes especiais da Seguridade Social a que se refire o punto anterior.»

Artigo sétimo. *Epígrafes de cotización por continxencias profesionais dos traballadores incluídos no réxime especial de traballadores autónomos.*

Un. O artigo primeiro e o anexo 2 do Real decreto 2930/1979, do 29 de decembro, polo que se revisa a tarifa de primas para a cotización á Seguridade Social por accidentes de traballo e enfermidades profesionais, quedan redactados nos termos seguintes:

«Artigo primeiro.

A cotización dos empresarios á Seguridade Social e, de se-lo caso, dos traballadores incluídos no réxime especial de traballadores por conta propia ou autónomos, para a cobertura das continxencias de accidentes de traballo e enfermidades profesionais, nas distintas actividades económicas, levarase a cabo mediante a aplicación das tarifas e das normas que figuran como anexos a este real decreto.»

ANEXO 2

**Tipos e epígrafes de cotización por contingencias
profesionais en actividades dos traballadores
incluídos no réxime especial de traballadores
autónomos**

Tipos de cotización aplicables

Epígrafe	Tipos de cotización aplicables (%)		
	I.T.	I.M.S.	Total
01	0,65	0,55	1,20
02	0,95	0,70	1,65
03	1,25	1,00	2,25
04	1,40	1,25	2,65
05	2,00	2,55	4,55
06	3,65	3,60	7,25
07	4,00	4,95	8,95

**EPÍGRAFES DE COTIZACIÓN POR CONTINGENCIAS
PROFESIONAIS**

*Traballadores do réxime especial de autónomos que
realicen as seguintes actividades*

		Epígrafe
01	Agricultura, gandería, caza e actividades dos servicios relacionados con estas:	
011.a	Producción agrícola (en explotación propia, sen servicios a terceiros).....	03
011.b	Producción agrícola con servicios a terceiros.....	05
012.a	Producción gandeira (en explotación propia, sen servicios a terceiros).....	04
012.b	Producción gandeira con servicios a terceiros.....	05
013.a	Producción agraria combinada coa produción gandeira (en explotación propia, sen servicios a terceiros).....	04
013.b	Producción agraria combinada coa produción gandeira con servicios a terceiros.....	05
015	Caza, captura de animais e repoboación cinxética, incluídas as actividades dos servicios relacionados con estas.....	05
02	Silvicultura, explotación forestal e actividades dos servicios relacionados con estas.....	05
05	Pesca, acuicultura e actividades dos servicios relacionados con estas	05
10	Extracción e aglomeración de antracita, hulla, lignito e turba.....	07
11	Extracción de crus de petróleo e gas natural; actividades dos servicios relacionados coas explotacións petrolíferas e de gas, agás actividades de prospección.....	07
13	Extracción de minerais metálicos.....	07
14	Extracción de minerais non metálicos nin enerxéticos:	
141	Extracción de pedra.....	07
142	Extracción de areas e arxilas.....	06
143	Extracción de minerais para fertilizantes e produtos químicos.....	06
144	Producción de sal.....	06
145	Extracción doutros minerais non metálicos nin enerxéticos.....	06
15	Industria de produtos alimenticios e bebidas:	
151	Industria cárnica.....	06
152	Elaboración e conservación de peixes e produtos a base de peixe	06

		Epígrafe
153	Preparación e conservación de froita e hortalizas.....	05
154	Fabricación de graxas e aceites (vexetais e animais).....	05
155	Industrias lácteas.....	05
156	Fabricación de produtos da moenda, amidóns e produtos amiláceos.....	05
157	Fabricación de produtos para a alimentación animal.....	05
158	Fabricación doutros produtos alimenticios..	05
159	Elaboración de bebidas.....	05
16	Industria do tabaco.....	05
17	Industria téxtil:	
171	Preparación e fiadura de fibras textiles	04
172	Fabricación de tecidos téxtils	03
173	Acabado de téxtils (tinxidura, branqueamento, estampación)	04
174	Fabricación doutros artigos confeccionados con téxtils agás roupa de vestir (fabricación de mantas, roupa de cama e mesa, acolchados)	03
175	Outras industrias téxtils (alfombras, moquetas, cordas, cordeis, cordeis de cânabo, redes)	03
176	Fabricación de tecidos de punto	03
177	Fabricación de artigos en tecido de punto (calcetería)	03
18	Industria da confección e da peletería:	
181	Confección de pezas de coiro (coiro, ante ou napa, produtos de imitación de coiro)	04
182	Confección de roupa de vestir en téxtils e accesorios	03
183	Preparación e tinxidura de peles de peletería, fabricación de artigos de peletería	04
19	Preparación, curtidura e acabado do coiro; fabricación de artigos de marroquinería e viaxe; artigos de correería, talabartería e zapatería.	04
20	Industria da madeira e da cortiza, agás mobles; cestería e espartería:	
201	Serrado e cepillado da madeira; preparación industrial da madeira	07
202	Fabricación de chapas, tableiros contrachapados, alistonados, de partículas aglomeradas, de fibras e outros tableiros e paneis	07
203	Fabricación de estruturas de madeira e pezas de carpintería e ebanistería para a construción	06
204	Fabricación de envases e embalaxes de madeira	06
205	Fabricación doutros produtos de madeira	
	Fabricación de produtos de cortiza, cestería e espartería	05
21	Industria do papel:	
211	Fabricación de pasta papeleira, papel e cartón	05
212	Fabricación de artigos de papel e de cartón	04
22	Edición, artes gráficas e reprodución de soportes gravados.....	
23	Coquerías, refinación de petróleo e tratamento de combustibles nucleares.....	07
24	Industria química.....	05
25	Fabricación de produtos de caucho e materias plásticas.....	05

	Epígrafe		Epígrafe
26 Fabricación doutros produtos minerais non metálicos:		312	Fabricación de aparellos de distribución e control eléctricos
261 Fabricación de vidro e produtos de vidro	05	313	Fabricación de fíos e cables eléctricos illados
262 Fabricación de produtos cerámicos non refractarios, agás os destinados á construción; fabricación de produtos cerámicos refractarios	05	314	Fabricación de acumuladores e pilas eléctricas
263 Fabricación de azulexos e lousas de cerámica	06	315	Fabricación de lámpadas eléctricas e aparellos de iluminación
264 Fabricación de ladrillos, tellas e produtos de terras cocidas para a construción	06	316	Fabricación doutro equipo eléctrico (equipo eléctrico para motores e vehículos)
265 Fabricación de cemento, cal e xeso	06	32 Fabricación de material electrónico; fabricación de equipo e aparellos de radio, televisión e comunicacións:	
266 Fabricación de elementos de formigón, xeso e cemento	06	321	Fabricación de válvulas, tubos e outros compoñentes electrónicos
267 Industria da pedra ornamental e para a construción	06	322	Fabricación de transmisores de radiodifusión e televisión e de aparellos para a radiofonía e radiotelegrafía con fíos
268 Fabricación de produtos minerais non metálicos diversos	05	323	Fabricación de aparellos de recepción, gravación e reprodución de son e imaxe
27 Metalurxia:		33 Fabricación de equipo e instrumentos médico-cirúrxicos, de precisión, óptica e relojería:	
271 Fabricación de produtos básicos de ferro, a c e i r o e ferroalixes	07	331	Fabricación de equipo e instrumentos médico-cirúrxicos e de aparellos ortopédicos
272 Fabricación de tubos	07	332	Fabricación de instrumentos e aparellos de medida, verificación, control, navegación e outros fins, agás equipos de control para procesos industriais
273 Outros procesos de primeira transformación do ferro e do aceiro	07	333	Fabricación de equipo de control de procesos industriais
274 Producción e primeira transformación de metais preciosos e doutros metais non férreos	07	334	Fabricación de instrumentos de óptica e de equipo fotográfico
275 Fundición de metais	07	335	Fabricación de reloxos
28 Fabricación de produtos metálicos, agás maquinaria e equipo:		34 Fabricación de vehículos de motor, remolques e semirremolques:	
281 Fabricación de elementos metálicos para a construción	07	341	Fabricación de vehículos de motor
282 Fabricación de cisternas, grandes depósitos e contedores de metal; fabricación de radiadores e caldeiras para calefacción central	07	342	Fabricación de carrocerías para vehículos de motor, de remolques e semirremolques
283 Fabricación de xeradores de vapor	07	343	Fabricación de partes, pezas e accesorios non eléctricos para vehículos de motor e os seus motores
284 Forxa, estampación e embutido de metais: metalurxia de pos	06	35 Fabricación doutro material de transporte:	
285 Tratamento e revestimento de metais Enxeñería mecánica xeral por conta de terceiros	06	351	Construcción e reparación naval (inclúe desmantelamento naval)
286 Fabricación de artigos de coitelaría e cubertería, ferramentas e ferraxería	06	352	Fabricación de material ferroviario
287 Fabricación de produtos metálicos diversos (arames, gonzos, parafusos, cadeas, artigos metálicos de menaxe doméstica), agás mobles	06	353	Construcción aeronáutica e espacial
29 Industria da construción de maquinaria e equipo mecánico:		354	Fabricación de motocicletas e bicicletas (vehículos para inválidos)
291 Fabricación de máquinas, equipo e material mecánico	06	355	Fabricación doutro material de transporte
292 Fabricación doutra maquinaria, equipo e material mecánico de uso xeral	06	36 Fabricación de mobles; outras industrias manufactureiras:	
293 Fabricación de maquinaria agraria	06	361	Fabricación de mobles (colchóns, cadeiras, mobles de oficina, cociña, baño, xardín)
294 Fabricación de máquinas ferramenta	05	362	Fabricación de artigos de xoiería, ourivería, pratería e artigos similares
295 Fabricación de maquinaria diversa para usos específicos	05	363	Fabricación de instrumentos musicais
296 Fabricación de armas e municións	06	364	Fabricación de artigos de deporte
297 Fabricación de aparellos domésticos	05	365	Fabricación de xogos e xoguetes
30 Fabricación de máquinas de oficina e equipos informáticos:	05	366	Outras industrias manufactureiras diversas (vasoiras, brochas, cepillos, bixutería)
31 Fabricación de maquinaria e material eléctrico:		37 Reciclaxe:	
311 Fabricación de motores eléctricos, transformadores e xeradores	05		

	<u>Epígrafe</u>		<u>Epígrafe</u>
40 Producción e distribución de enerxía eléctrica, gas, vapor e auga quente:		55 Hostalería:	
401 Produción e distribución de enerxía eléctrica	05	551 Hoteles	04
402 Produción de gas: distribución de combustibles gasosos por conductos urbanos, agás gasoductos	05	552 Cámpings e outros tipos de hospedaxe de curta duración (albergues xuvenís e refuxios de montaña, centros e colonias de vacacións)	04
403 Produción e distribución de vapor e auga quente	05	553 Restaurantes	04
41 Captación, depuración e distribución de auga.	05	554 Establecementos de bebidas	04
45 Construcción:		555 Comedores colectivos e provisión de comidas preparadas	04
451 Preparación de obras (demolición e movemento de terras, perforacións e sondaxes)	06	60 Transporte terrestre; transporte por tubaxes:	
452 Construcción xeral de inmobles e obras de enxeñaría civil (tendidos eléctricos e liñas de telecomunicacións, cubertas e tellados, reparación de vías férreas, obras hidráulicas, montaxe de armazóns e estruturas metálicas)	06	601 Transporte por ferrocarril	07
453 Instalacións de edificios e obras (eléctricas, climatización, fontanería)	06	602 Outros tipos de transporte terrestre (regular de viaxeiros, taxi, discrecional, mercadorías por estrada, aluguer de camións con conductor, mudanzas):	
454 Acabamento de edificios e obras (rebocamento, carpintería, acristalamento e pintura)	06	602.a Transporte pesado (en vehículos de máis de 6.000 kg).....	07
455 Aluguer de equipo de construción ou demolición dotado de operario	06	602.b Transporte lixeiro (en vehículos ata 6.000 kg).....	05
50 Venda, mantemento e reparación de vehículos de motor, motocicletas e ciclomotores; venda polo miúdo de combustible para vehículos de motor:		61 Transporte marítimo, de cabotaxe e por vías de navegación interiores.....	05
501 Venda de vehículos de motor	03	62 Transporte aéreo e espacial.....	05
502 Mantemento e reparación de vehículos de motor	05	63 Actividades anexas ós transportes; actividades de axencias de viaxes:	
503 Venda de recambios e accesorios de vehículos de motor	03	631 Manipulación e depósito de mercadorías (almacenamento frigorífico, almacenamento de mercadorías perigosas, silos).....	07
504 Venda, mantemento e reparación de motocicletas e ciclomotores e dos seus recambios e accesorios	05	63124 Outros depósitos, almacenamentos e descargas.....	05
505 Venda polo miúdo de carburantes para a automoción	05	632 Outras actividades anexas ós transportes terrestre, marítimo e aéreo (autoestradas de peaxe, aparcadoiros, servicios portuarios)	05
51 Comercio por xunto e intermediarios do comercio, agás de vehículos de motor e motocicletas.....	03	633 Actividades das axencias de viaxes, operadores turísticos e outras actividades de apoio turístico)	03
52 Comercio polo miúdo, agás o comercio de vehículos de motor, motocicletas e ciclomotores; reparación de efectos persoais e enxoval doméstico:		634 Organización do transporte de mercadorías	03
521 Comercio polo miúdo en establecementos non especializados	02	64 Correos e telecomunicacións:	
522 Comercio polo miúdo de alimentos, bebidas e tabaco en establecementos especializados	02	64.a Sen transporte	01
523 Comercio polo miúdo de produtos farmacéuticos, artigos médicos, beleza e hixiene	02	64.b Con recolla e transporte de mercadoría lixeira	05
524 Outro comercio polo miúdo de artigos novos en establecementos especializados (têxtils, calzado, coiro, artigos para o fogar, electrodomésticos, ferraxería, pintura, vidro, libros, xornais, óptica, fotografía, xoiería, relojería, xoguetes)	02	65 Intermediación financeira, agás seguros e plans de pensións:	
525 Comercio polo miúdo de bens de segunda man en establecementos (anticuarios)	02	65.a Sen desprazamentos habituais	01
526 Comercio polo miúdo non realizado en establecementos (por correspondencia, mercados, venda domiciliaria)	03	65.b Con desprazamentos habituais	03
527 Reparación de efectos persoais e enxoval doméstico (calzado, artigos de coiro, aparellos domésticos eléctricos, reloxos, xoiería)	04	66 Seguros e plans de pensións, agás seguridade social obrigatoria:	
		66.a Sen desprazamentos habituais	01
		66.b Con desprazamentos habituais	03
		67 Actividades auxiliares á intermediación financeira:	
		67.a Sen desprazamentos habituais	01
		67.b Con desprazamentos habituais	03
		70 Actividades inmobiliarias:	
		701 Actividades inmobiliarias por conta propia (promoción inmobiliaria, compravenda)	03
		702 Aluguer de bens inmobiliarios por conta propia	03
		703 Actividades inmobiliarias por conta de terceiros (axentes da propiedade inmobiliaria, xestión e administración)	03

	<u>Epígrafe</u>		<u>Epígrafe</u>
71 Aluguer de maquinaria e equipo sen operario, de efectos persoais e enxoval doméstico.....	03	85 Actividades sanitarias e veterinarias, servizo social:	
72 Actividades informáticas:		851 Actividades sanitarias (hospitalarias, médicas, odontolóxicas, servizo de ambulancias, laboratorios de análises clínicas)	05
725 Mantemento e reparación de máquinas de oficina, contabilidade e equipo informático	04	852 Actividades veterinarias	05
73 Investigación e desenvolvemento.....	03	853 Actividades de servizos sociais (acollemento de anciáns, minusválidos, menores, servizos sociais a domicilio)	05
74 Outras actividades empresariais:		90 Actividades de saneamento público:	
741 Actividades xurídicas, de contabilidade, conservación de libros, auditoría, asesoría fiscal, estudos de mercado e realización de enquisas de opinión pública, consulta e asesoramento sobre dirección e xestión empresarial, xestión de sociedades	03	900 Actividades de saneamento público (depuración de augas residuais, rede de sumidoiro, limpeza de vías públicas)	05
742 Servizos técnicos de arquitectura e enxeñería e outras actividades relacionadas co asesoramento técnico	03	91 Actividades asociativas:	
743 Ensaio e análises técnicas	03	911 Actividades de organizacións empresariais, profesionais e patronais	02
744 Publicidade (axencia e consultores, xestión de soportes publicitarios)	03	912 Actividades sindicais	02
745 Selección e colocación de persoal (subministración de persoal)	03	913 Actividades asociativas diversas (relixiosas, políticas, xuvenís)	02
746 Servizos de investigación e seguridade (vixilancia, protección e seguridade)	05	92 Actividades recreativas, culturais e deportivas:	
747 Actividades industriais de limpeza	05	921 Actividades cinematográficas e de vídeo (producción, distribución e exhibición)	03
748 Actividades empresariais diversas:		922 Actividades de radio e televisión (producción, distribución e emisión)	03
7481 Actividades de fotografía.....	04	923 Outras actividades artísticas e de espectáculos (creación e interpretación artística e literaria)	03
7482 Actividades de envasado e empacotado por conta de terceiros.....	05	9233 Actividades de feiras e parques de atraccións	04
74831 Actividades de secretaría e reprografía.....	04	924 Actividades de axencias de noticias	03
74832 Actividades de tradución.....	03	925 Actividades de bibliotecas, arquivos, museos e outras institucións culturais	03
74833 Actividades anexas á distribución publicitaria.....	03	926 Actividades deportivas	04
7484 Outras actividades empresariais.....	03	927 Actividades recreativas diversas	03
80 Educación:		93 Actividades diversas de servizos persoais:	
801 Ensino primario sen desprazamento	01	930 Actividades diversas de servizos persoais:	
801 Ensino primario con desprazamento	03	9301 Lavado, limpeza e tinxidura de pezas de roupa téxtiles e de pel	04
802 Ensino secundario sen desprazamento	01	9302 Perruquería e outros tratamentos de beleza	03
802 Ensino secundario con desprazamento	03	9303 Pompas fúnebres e actividades relacionadas con estas	03
803 Ensino superior sen desprazamento	01	9304 Actividade de mantemento físico corporal	03
803 Ensino superior con desprazamento	03	9305 Outras actividades de servizos persoais	03
804 Formación permanente e outras actividades de ensino.....	03		
8041 Ensino das escolas de conducción e pilotaxe	05		
80423 Outras ensinanzas.....	05		

Dous. As modificacións que, a partir da entrada en vigor do presente real decreto lei, se puidesen realizar respecto ás tarifas de primas a que se refire este artigo poderán efectuarse regulamentariamente consonte a súa normativa reguladora específica.

Artigo oitavo. *Ampliación da protección por incapacidade temporal para os traballadores por conta propia ou autónomos.*

Para os traballadores por conta propia ou autónomos, calquera que sexa o réxime especial da Seguridade Social no que estean encadrados, o nacemento da prestación económica por incapacidade temporal a que puidesen ter dereito producirase, nos termos e condicións que regulamentariamente se establezan, a partir do cuarto día da baixa na correspondente actividade, salvo nos supostos en que o interesado optase pola cobertura das continxencias profesionais, ou as teña cubertas de forma obrigatoria, e o subsidio se orixinase a causa dun accidente de traballo ou enfermidade profesional, caso no que a prestación nacerá a partir do día seguinte ó da baixa.

Artigo noveno. *Cotización dos traballadores por conta propia do réxime especial agrario.*

Agrégaselle unha disposición adicional, a trixésimo sexta, ó texto refundido da Lei xeral da Seguridade Social, aprobado polo Real decreto legislativo 1/1994, do 20 de xuño, nos termos seguintes:

«1. Os traballadores por conta propia incluídos na sección do censo do réxime especial agrario correspondente ós traballadores por conta propia, a partir do 1 de xaneiro de 2004 deberán cotizar por continxencias comúns conforme as bases e os tipos fixados nas respectivas leis de orzamentos xerais do Estado e nas súas normas de desenvolvemento, para o réxime especial da Seguridade Social dos traballadores por conta propia ou autónomos.

2. A partir do 1 de xaneiro de 2004 as cotizacións que deban realiza-los traballadores por conta propia do réxime especial agrario, como consecuencia do establecido no punto anterior, determinaranse aplicando á base de cotización por tales continxencias o tipo de cotización que resulte de les aplicar ós tipos de cotización, con exclusión da protección por incapacidade temporal, establecidos na Lei de orzamentos xerais do Estado respecto dos traballadores por conta propia ou autónomos, os seguintes coeficientes:

Exercicio	Coficiente
2004	0,6850
2005	0,7075
2006	0,7300
2007	0,7525
2008	0,7750
2009	0,7975
2010	0,8200
2011	0,8425
2012	0,8650
2013	0,8875
2014	0,9100
2015	0,9325
2016	0,9550
2017	0,9775

A partir do 1 de xaneiro de 2018 a cotización correspondente a tales traballadores será a establecida con carácter xeral para os traballadores incluídos no réxime especial da Seguridade Social dos traballadores por conta propia ou autónomos.

O ministro de Traballo e Asuntos Sociais fixará en cada exercicio o tipo de cotización aplicable como resultante de aplica-lo coeficiente correspondente ó citado exercicio, que poderá ser determinado cun só decimal.»

Artigo décimo. *Delimitación do medio fundamental de vida para efectos de inclusión no réxime especial agrario.*

Un. Modifícase a regra terceira da letra b) do artigo 2 do texto refundido do réxime especial agrario, aprobado polo Decreto 2123/1971, do 23 de xullo, nos termos seguintes:

«Terceira. Cando o traballador, sexa ou non cónxuxo ou parente por consanguinidade ou afinidade ata o terceiro grao do titular dunha explotación familiar, dedique predominantemente a súa actividade na explotación familiar ou fóra dela a labores agrarios, en forma persoal e directa, presumirase que estes constitúen o seu medio fundamental de vida para efectos da inclusión neste réxime especial, sempre que da actividade agraria se obteñan ingresos para atende-las súas propias necesidades ou, de se-lo caso, as da unidade familiar, mesmo cando con carácter ocasional ou permanente realice outros traballos non especificamente agrarios, determinantes ou non da súa inclusión en calquera outro dos réximes do sistema da Seguridade Social.

Se o traballador agrario acredítase que realiza labores agrarios só ocasionalmente ou que estes non constitúen o seu medio fundamental de vida, quedará excluído do réxime especial agrario.»

Dous. O actual contido da regra terceira da letra b) do artigo 2 deste texto refundido pasa a constituí-la súa regra cuarta.

Artigo undécimo. *Efecto das cotizacións superpostas en varios réximes no tocante ás pensións da Seguridade Social.*

Un. Cando se acrediten cotizacións a varios réximes e non se cause dereito a pensión nun deles, as bases de cotización acreditadas neste último, en réxime de pluriactividade, poderán ser acumuladas ás do réxime en que se cause a pensión, exclusivamente para a determinación da base reguladora desta, sen que a suma das bases poida excede-lo límite máximo de cotización vixente en cada momento.

Dous. Para os efectos da determinación da base reguladora da pensión de xubilación, para que se poida efectua-la acumulación das bases de cotización prevista no punto anterior, será preciso que se acredite a permanencia na pluriactividade durante os dez anos inmediatamente anteriores ó feito causante.

Noutro caso acumularase a parte proporcional das bases de cotización que corresponda ó tempo realmente cotizado en réxime de pluriactividade dentro do período a que se refire o parágrafo anterior, na forma que determine o Ministerio de Traballo e Asuntos Sociais.

TÍTULO IV
Outras medidas

CAPÍTULO I

Investimento

Artigo duodécimo. *Amortización acelerada.*

Para as adquisicións de activos novos realizadas entre o 1 de xaneiro de 2003 e o 31 de decembro de 2004, os coeficientes de amortización lineais máximos establecidos nas táboas oficiais de coeficientes de amortización entenderanse substituídos, en tódalas mencións a eles realizadas, polo resultado de multiplicar aqueles por 1,1. O novo coeficiente será aplicable durante a vida útil dos activos novos adquiridos no período antes indicado.

CAPÍTULO II

Enerxías renovables

Artigo décimo terceiro. *Fomento de enerxías renovables.*

Con efectos para os períodos impositivos que se inicien a partir da entrada en vigor deste real decreto lei, introdúcese as seguintes modificacións na Lei 43/1995, do 27 de decembro, do imposto sobre sociedades:

Un. Modifícase o título do artigo 35, que queda redactado da seguinte maneira:

«Artigo 35. *Deducción por investimentos en bens de interese cultural, producións cinematográficas, edición de libros, sistemas de navegación e localización de vehículos, adaptación de vehículos para discapacitados e garderías para fillos de traballadores.*»

Dous. Suprímese o número 4 do artigo 35.

Tres. Engádesse un artigo 35 bis, que queda redactado da seguinte maneira:

«Artigo 35 bis. *Deduccions por investimentos ambientais.*

1. Os investimentos realizados en bens do activo material destinados á protección do medio natural consistentes en instalacións que eviten a contaminación atmosférica procedente de instalacións industriais, contra a contaminación de augas superficiais, subterráneas e mariñas para a redución, a recuperación ou o tratamento de residuos industriais para o cumprimento ou, de se-lo caso, a mellora da normativa vixente nestes ámbitos de actuación, darán dereito a practicar unha deducción na cota íntegra do 10 por cento dos investimentos que estean incluídos en programas, convenios ou acordos coa Administración competente en materia ambiental, que deberá expedir a certificación da validación do investimento.

2. A deducción prevista no punto anterior tamén se aplicará no suposto de adquisición de novos vehículos industriais ou comerciais de transporte por estrada, só para aquela parte do investimento que regulamentariamente se determine que contribúe de maneira efectiva á redución da contaminación atmosférica.

3. Así mesmo, poderase deducir da cota íntegra o 10 por cento dos investimentos realizados en bens de activo material novos destinados ó aproveitamento de fontes de enerxías renovables con-

sistentes en instalacións e equipos con calquera das finalidades que se citan a continuación:

a) Aproveitamento da enerxía proveniente do sol para a súa transformación en calor ou electricidade.

b) Aproveitamento, como combustible, de residuos sólidos urbanos ou de biomasa procedente de residuos de industrias agrícolas e forestais, de residuos agrícolas e forestais e de cultivos enerxéticos para a súa transformación en calor ou electricidade.

c) Tratamento de residuos biodegradables procedentes de explotacións gandeiras, de estacións depuradoras de augas residuais, de efluentes industriais ou de residuos sólidos urbanos para a súa transformación en biogás.

d) Tratamento de produtos agrícolas, forestais ou aceites usados para a súa transformación en biocarburantes (bioetanol ou biodiésel).

4. A parte do investimento financiado con subvencións non dará dereito a deducción.»

Artigo décimo cuarto. *Fomento do aproveitamento térmico ou eléctrico da enerxía proveniente do sol para autoconsumo.*

Engádeselle un número 5 ó artigo 75 da Lei 39/1988, do 28 de decembro, reguladora das facendas locais, que queda redactado da seguinte maneira:

«5. As ordenanzas fiscais poderán regular unha bonificación de ata o 50 por cento da cota íntegra do imposto para os bens inmoebles destinados a vivendas nos que se instalasen sistemas para o aproveitamento térmico ou eléctrico da enerxía proveniente do sol para autoconsumo. A aplicación desta bonificación estará condicionada a que as instalacións para produción de calor inclúan colectores que dispoñan da correspondente homologación pola Administración competente. Os demais aspectos substantivos e formais desta bonificación especificaranse na ordenanza fiscal.»

CAPÍTULO III

Sociedade da información

Artigo décimo quinto. *Acceso das persoas discapacitadas ós servizos da sociedade da información.*

Con efectos para os períodos impositivos que se inicien a partir da entrada en vigor deste real decreto lei, modifícase a letra a) do número 1 do artigo 33 da Lei 43/1995, do 27 de decembro, do imposto sobre sociedades, que queda redactada da seguinte maneira:

«a) Concepto de investigación e desenvolvemento.

Considerarase investigación a indagación orixinal planificada que persiga descubrir novos coñecementos e unha superior comprensión no ámbito científico e tecnolóxico, e desenvolvemento, a aplicación dos resultados da investigación ou de calquera outro tipo de coñecemento científico para a fabricación de novos materiais ou produtos ou para o deseño de novos procesos ou sistemas de produción, así como para a mellora tecnolóxica substancial de materiais, produtos, procesos ou sistemas preexistentes.

Considerarase tamén actividade de investigación e desenvolvemento a materialización dos novos produtos ou procesos nun plano, esquema ou

deseño, así como a creación dun primeiro prototipo non comercializable e os proxectos de demostración inicial ou proxectos piloto sempre que estes non se poidan converter ou utilizar para aplicacións industriais ou para a súa explotación comercial.

Así mesmo, considerarase actividade de investigación e desenvolvemento o deseño e a elaboración do mostrario para o lanzamento de novos produtos. Para estes efectos, entenderase como lanzamento dun novo produto a súa introducción no mercado e como novo produto, aquel que presente unha novidade esencial e non meramente formal ou accidental.

Tamén se considerará actividade de investigación e desenvolvemento a concepción de software avanzado, sempre que supoña un progreso científico ou tecnolóxico significativo mediante o desenvolvemento de novos teoremas e algoritmos ou mediante a creación de sistemas operativos e linguaxes novas, ou sempre que estea destinado a lles facilitar ás persoas discapacitadas o acceso ós servizos da sociedade da información. Non se inclúen as actividades habituais ou rutineiras relacionadas co software.»

CAPÍTULO IV

Defensa da competencia

Artigo décimo sexto. *Publicidade dos informes do Tribunal de Defensa da Competencia.*

Modifícase o artigo 16.3 da Lei 16/1989, do 17 de xullo, de defensa da competencia, para que quede redactado como segue:

«3. O tribunal fará público o seu informe unha vez recibido este polo ministro de Economía e tras resolver, de se-lo caso, sobre os aspectos confidenciais do seu contido.»

CAPÍTULO V

Fomento da competencia no mercado hipotecario

Artigo décimo sétimo. *Modificación da Lei 2/1994, do 30 de marzo, sobre subrogación e modificación de préstamos hipotecarios.*

1. Dáselle a seguinte nova redacción ó artigo 4 da Lei 2/1994, do 30 de marzo, sobre subrogación e modificación de préstamos hipotecarios:

«Artigo 4. *Escritura.*

Na escritura de subrogación só se poderá pactar a modificación das condicións do tipo de xuro tanto ordinario como de demora inicialmente pactado ou vixente, a ampliación do prazo do préstamo, ou ambas.»

2. Dáselle a seguinte nova redacción ó número 2 do artigo 5 da Lei 2/1994, do 30 de marzo, sobre subrogación e modificación de préstamos hipotecarios:

«2. As novas condicións pactadas do tipo de xuro, do prazo, ou de ambos.»

3. Dáselle nova redacción ó artigo 9 da Lei 2/1994, do 30 de marzo, sobre subrogación e modificación de

préstamos hipotecarios, que pasa a te-la seguinte redacción:

«Artigo 9. *Beneficios fiscais e honorarios rexistrados na novación modificativa de préstamos hipotecarios.*

Estarán exentas na modalidade gradual de "Actos xurídicos documentados" as escrituras públicas de novación modificativa de préstamos hipotecarios pactados de común acordo entre acreedor e debedor, sempre que o acreedor sexa unha das entidades a que se refire o artigo 1 desta lei e a modificación se refira ás condicións do tipo de xuro inicialmente pactado ou vixente, á alteración do prazo do préstamo, ou a ambas.

Para o cálculo dos honorarios notariais e rexistrados deste tipo de escrituras, tomarase como base a que resulte de lle aplicar á cifra do capital pendente de amortizar no momento da novación o diferencial entre o xuro do préstamo que se modifica e o xuro novo. No caso de novacións modificativas referidas exclusivamente á alteración do prazo do préstamo tomarase como base o 1 por 1000 da cifra do capital pendente de amortizar no momento da novación.»

4. Introdúcese un novo artigo 10 na Lei 2/1994 co seguinte contido:

«Artigo 10. *Comisión por ampliación do prazo do préstamo.*

Nas novacións modificativas que teñan por obxecto a ampliación do prazo do préstamo, a entidade acreedora non poderá percibir por comisión de modificación de condicións máis do 0,1 por 100 da cifra de capital pendente de amortizar.»

Artigo décimo oitavo. *Aranceis rexistrados e notariais.*

Un. Nas subrogacións, con ou sen simultánea novación, e nas novacións modificativas de préstamos hipotecarios acollidas á Lei 2/1994, do 30 de marzo, aplicaráselles ós dereitos previstos no punto 1 do número 2, «Documentos de contía», do anexo I do Real decreto 1426/1989, do 17 de novembro, polo que se aproba o arancel dos notarios, e ós previstos no número 2, «Inscripcións», do anexo I do Real decreto 1427/1989, do 17 de novembro, polo que se aproba o arancel dos rexistradores da propiedade, as seguintes reducións ou bonificacións, sen que resulten de aplicación as previstas nas citadas disposicións:

— O 90 por cento se se trata de operacións que incorporen variación nas condicións de tipo de xuro, naqueles casos en que se pase dun sistema de tipo de xuro variable a un de tipo fixo.

— O 75 por cento en calquera outra operación.

En todo caso, serán de aplicación os límites máximos dos dereitos arancelarios previstos na Lei 41/1980, do 5 de xullo, de medidas urxentes de apoio á vivenda, e as bonificacións ou reducións previstas na normativa especial.

Dous. As modificacións que, a partir da entrada en vigor deste real decreto lei, se puidesen realizar respecto ós aranceis a que se refire este artigo poderán efectuarse regulamentariamente consonte a súa normativa específica reguladora.

Artigo décimo noveno. *Instrumentos de cobertura do risco de tipo de xuro dos préstamos hipotecarios.*

1. As entidades de crédito informarán os seus debedores hipotecarios cos que subscribisen préstamos a tipo de xuro variable, sobre os instrumentos de cobertura do risco de incremento do tipo de xuro que teñan dispoñibles. A contratación da citada cobertura non suporá a modificación do contrato de préstamo hipotecario orixinal.

2. As entidades a que se refire o punto anterior ofreceránlles ós que soliciten préstamos hipotecarios a tipo de xuro variable polo menos un instrumento de cobertura do risco de incremento do tipo de xuro.

As características deste instrumento de cobertura faranse constar nas ofertas vinculantes e nos demais documentos informativos previstos nas normas de ordenación e disciplina relativas á transparencia de préstamos hipotecarios, dictadas ó abeiro do previsto no artigo 48.2 da Lei 26/1988, do 29 de xullo, de disciplina e intervención das entidades de crédito.

O disposto neste punto será de aplicación ás ofertas vinculantes previstas no artigo 2 da Lei 2/1994, do 30 de marzo, sobre subrogación e modificación de préstamos hipotecarios.

3. O custo dos instrumentos de cobertura do risco de tipo de xuro a que se refire o presente artigo entenderase incluído na base máxima da deducción a que se refire o segundo parágrafo da letra a) do número 1.º do punto 1 do artigo 55 da Lei 40/1998, do 9 de decembro, do imposto sobre a renda das persoas físicas.

Disposición adicional única.

Nas subrogacións que se produzan nos préstamos hipotecarios a xuro variable concertados a partir da entrada en vigor deste real decreto lei, de conformidade co disposto no artigo 1.1 da Lei 2/1994, do 30 de marzo, sobre subrogación e modificación de préstamos hipotecarios, e aínda que non conste neles a posibilidade de amortización anticipada, a cantidade que percibirá a entidade acreedora en concepto de comisión pola amortización anticipada do seu crédito calcularase sobre o capital pendente de amortizar, de conformidade coas seguintes regras:

1.º Cando se pactase amortización anticipada sen fixar comisión, non haberá dereito a percibir ningunha cantidade por este concepto.

2.º Se se pactase unha comisión de amortización anticipada igual ou inferior ó 0,50 por cento, a comisión que se percibirá será a pactada.

3.º Nos demais casos, a entidade acreedora soamente poderá percibir por comisión de amortización anticipada o 0,50 por cento, calquera que sexa a que se pactase. Non obstante, se a entidade acreedora demostra a existencia dun dano económico que non implique a única perda de ganancias, producido de forma directa como consecuencia da amortización anticipada, poderá reclamar aquel. A alegación do dano pola acreedora non impedirá a realización da subrogación, se concorren as circunstancias establecidas na presente lei, e só dará lugar a que se indemnice, no seu momento, a cantidade que corresponda polo dano producido.

Disposición transitoria única.

O disposto nos artigos décimo sétimo e décimo noveno deste real decreto lei será aplicable ós préstamos hipotecarios vixentes á entrada en vigor desta norma.

Disposición derradeira primeira. *Cotización adicional pola ampliación da protección por incapacidade temporal.*

A partir da entrada en vigor da ampliación da protección por incapacidade temporal a que se refire o artigo 4 deste real decreto lei, os tipos de cotización establecidos na Lei 52/2002, do 30 de decembro, de orzamentos xerais do Estado para o ano 2003, quedarán modificados nos seguintes termos:

— No réxime especial dos traballadores por conta propia ou autónomos, cando o interesado se acollese á protección por incapacidade temporal, o tipo de cotización será o 29,80 por 100.

— No réxime especial agrario, cando o traballador por conta propia se acollese á protección por incapacidade temporal, o tipo de cotización será o 4,35 por cento, do que o 3,70 por cento corresponderá a continxencias comúns e o 0,65 por cento a continxencias profesionais.

— No réxime especial dos traballadores do mar, o tipo de cotización por continxencias comúns dos traballadores por conta propia será o 29,80 por cento.

Disposición derradeira segunda. *Fomento de emprego das mulleres traballadoras nos supostos de maternidade.*

1. Engádeselle un novo punto 4 ó número «un. Ámbito de aplicación» do artigo 47 da Lei 53/2002, do 30 de decembro, de medidas fiscais, administrativas e da orde social, coa seguinte redacción:

«4. Os contratos de traballo, de carácter indefinido ou de duración determinada ou temporais, das mulleres traballadoras, que sexan suspendidos por maternidade e por excedencia por coidado de fillo, así como a transformación dos contratos de duración determinada ou temporais en indefinidos, darán dereito ás bonificacións previstas neste artigo cando se produza a reincorporación efectiva da muller ó traballo nos dous anos seguintes á data do parto, sempre que este se producise con posterioridade á entrada en vigor da presente disposición.

As cooperativas e as sociedades laborais terán dereito a estas bonificacións respecto das súas socias traballadoras ou de traballo, con vínculo de carácter indefinido, sempre que a entidade optase por un réxime de Seguridade Social propio de traballadores por conta allea.»

2. Modifícase o punto 9 do número «Tres. Incentivos» do artigo 47 da Lei 53/2002, do 30 de decembro, de medidas fiscais, administrativas e da orde social, que queda redactado nos seguintes termos:

«9. Os contratos de traballo e relacións a que se refire o punto 4 do número un deste artigo darán dereito a unha bonificación na cota empresarial por continxencias comúns do 100 por 100 durante os doce meses seguintes á reincorporación efectiva da muller ó traballo tralo período de suspensión do contrato por maternidade e por excedencia por coidado de fillo, de acordo co establecido no citado punto 4.

No suposto de contratos de duración determinada ou temporais subscritos con anterioridade á entrada en vigor da presente disposición, cando se produza a reincorporación nos termos sinalados no parágrafo anterior e, antes de transcorrer un ano desde esta, se transforme o contrato en inde-

finido, a duración da bonificación a que se refire o parágrafo anterior será de dezoito meses.

A bonificación a que se refire o parágrafo anterior non será acumulable a outras bonificacións previstas por transformación de contratos.»

3. Engádeselle un novo punto 10 ó número «Tres. Incentivos» do artigo 47 da Lei 53/2002, do 30 de decembro, de medidas fiscais, administrativas e da orde social, coa seguinte redacción:

«10. Os contratos de traballo acollidos ó presente programa de fomento do emprego estable formalizaranse no modelo oficial que dispoña o Instituto Nacional de Emprego, excepto no suposto de contratos xa existentes, ós que se refiren os puntos 3 e 4 do número Un.»

4. Modifícase o punto 3 do número «Cinco. Exclusiones», do artigo 47 da Lei 53/2002, do 30 de decembro, de medidas fiscais, administrativas e da orde social, que queda redactado nos seguintes termos:

«Non serán aplicables ás contribucións empresariais relativas a traballadores que presten os seus servizos nas administracións públicas ou nos organismos públicos regulados no título III da Lei 6/1997, do 14 de abril, de organización e funcionamento da Administración xeral do Estado:

a) As bonificacións dos contratos indefinidos con traballadores de sesenta ou máis anos e cunha antigüidade na empresa de cinco ou máis anos.

b) As bonificacións dos contratos de traballo das mulleres traballadoras que sexan suspendidos por maternidade e por excedencia por coidado de fillo.»

Disposición derradeira terceira. *Aboamento da prestación por desemprego na súa modalidade de pagamento único.*

Modifícase o primeiro parágrafo da regra primeira do punto primeiro da disposición transitoria cuarta da Lei 45/2002, do 12 de decembro, de medidas urxentes para a reforma do sistema de protección por desemprego e mellora da ocupabilidade, que queda redactado nos seguintes termos:

«Primeira. A entidade xestora poderalles aboa-lo valor actual do importe da prestación por desemprego de nivel contributivo ós beneficiarios de prestacións cando pretendan incorporarse, de forma estable, como socios traballadores ou de traballo en cooperativas ou en sociedades laborais, sempre que non mantivesen un vínculo contractual previo con estas sociedades superior ós doce meses, ou constituílas, ou cando estes beneficiarios se pretendan constituír como traballadores autónomos e se trate de persoas con minusvalidez igual ou superior ó 33 por cento.»

Disposición derradeira cuarta. *Fomento do emprego das mulleres con minusvalidez.*

Engádesse un parágrafo segundo na letra a) do punto dous.1 do artigo 44 da Lei 42/1994, do 30 de decembro, de medidas fiscais, administrativas e da orde social, coa seguinte redacción:

«No suposto específico de que se contraten mulleres minusválidas, as empresas terán dereito a unha bonificación do 90 por cento na cotización empresarial por contingencias comúns se a muller contratada ten unha idade igual ou superior a 45 anos e do 80 por cento en caso de que sexa menor da citada idade.»

Disposición derradeira quinta. *Disposicións de aplicación e desenvolvemento.*

Autorízase o Goberno para dicta-las disposicións que sexan necesarias para a aplicación e o desenvolvemento deste real decreto lei.

Disposición derradeira sexta. *Entrada en vigor.*

Este real decreto lei entrará en vigor o día seguinte ó da súa publicación no «Boletín Oficial del Estado».

Disposición derogatoria única.

Quedan derogadas cantas disposicións de igual ou inferior rango se opoñan ó establecido neste real decreto lei.

Dado en Madrid, o 25 de abril de 2003.

JUAN CARLOS R.

O presidente do Goberno,
JOSÉ MARÍA AZNAR LÓPEZ

MINISTERIO DE TRABAJO E ASUNTOS SOCIAIS

8591 *REAL DECRETO 463/2003, do 25 de abril, sobre recoñecemento do incremento da pensión de incapacidade permanente total para a profesión habitual para os traballadores por conta propia. («BOE» 100, do 26-4-2003.)*

O punto 4 do artigo 10 do texto refundido da Lei xeral da Seguridade Social, aprobado polo Real decreto lexislativo 1/1994, do 20 de xuño, prevé a paulatina homoxeneización dos réximes especiais da Seguridade Social co réxime xeral. Na mesma dirección, a recomendación 6.^a do Pacto de Toledo prevé que, de forma progresiva, se vaia procedendo a unha simplificación e integración dos réximes especiais da Seguridade Social que permitan un maior achegamento da estrutura do sistema.

Dentro dos mesmos obxectivos, o Acordo para a mellora e desenvolvemento do sistema de previsión social, do 9 de abril de 2001, preveu a conveniencia de introducir determinadas modificacións no marco da acción protectora dos traballadores por conta propia, con obxecto de incluír nesta a prestación de incapacidade permanente total cualificada para a profesión habitual.

En tal sentido, a Lei 53/2002, do 30 de decembro, de medidas fiscais, administrativas e da orde social, modificou as normas legais que regulan os réximes especiais agrario e de traballadores do mar, para incluír, dentro do ámbito da acción protectora dispensada naqueles, a prestación sinalada, se ben diferindo por disposición regulamentaria a concreción da contía da prestación e dalgúns dos requisitos que, ademais do cumprimento dunha determinada idade e a non realización de actividade lucrativa, condicionan o acceso a tal prestación.

Neste sentido, este real decreto aborda o desenvolvemento regulamentario da Lei 53/2002, do 30 de decembro, concretando a contía da prestación e os requisitos que deben cumprilos interesados para accederen á prestación de incapacidade permanente total cualificada, seguindo, para tal efecto, as previsións contidas no acordo social de 2001.